

PRIJEDLOG

Na osnovu Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj: 20/04, 26/12, 32/12, 24/15), člana 55. i 104. Statuta Općine Ilijaš – prečišćeni tekst ("Službene novine Kantona Sarajevo", broj: 20/9, 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj: 20/10 i 18/15) Općinsko vijeće Ilijaš, na redovnoj 29. sjednici, održanoj dana, 27.03.2019. godine, d o n o s i:

ODLUKU

o privremenom korištenju javnih površina na području Općin Ilijaš

I - OPĆE ODREDBE

Član 1.

Ovom Odlukom utvrđuju se uslovi i kriteriji za dodjelu lokacije za privremeno korištenje javnih površina za postavljanje kioska, slobodnostojećih otvorenih bašti, slobodnostojećih reklamnih panoa, slobodnostojećih displeja i ostalih sadržaja definisanih članom 2. ove Odluke, zone javnih površina, visina naknade, način naplate, mjere za sigurnu i efikasnu naplatu naknade, zaštita javnih površina, nadzor nad provođenjem ove Odluke i druga pitanja od značaja za privremeno korištenje javnih površina na području Općine Ilijaš.

Član 2.

(1) Sadržaji u smislu ove Odluke koji se mogu privremeno postaviti na javnim površinama su:

a.) Kiosk je privremena, tehnološki dovršena, cjelovita i tipizirana prostorna jedinica, lagane konstrukcije koji se može premještati i uklanjati sa lokacije u komadu. Postavljanje na terenu izvodi se suhom montažom na odgovarajućoj podlozi. Najveća dozvoljena površina iznosi 12 m², što ukupno sa zemljištem za upotrebu istog može iznositi maksimalno 20,00 m².

b.) Slobodnostojeću otvorenu baštu čine: stolovi, stolice, zaštite od sunca (suncobran ili tenda), pomična ograda, žardinjere za cvijeće, sistem za rashlađivanje odnosno grijanje, šank sa pratećom opremom, rashladni uređaji. Nije dozvoljeno postavljanje čvrsto ugrađene opreme bašte, te betoniranje i drugi čvrsti radovi na javnoj površini. Slobodnostojeću ljetnu baštu mogu predstavljati i rekonstruirana prevozna sredstva posebno prilagođena za obavljanje ugostiteljske djelatnosti. Ukoliko se uviđajem na terenu utvrdi da je teren neprilagođen ljetnoj bašti, te da to utiče na funkcionalnost iste, odobrit će se postavljanje montažno-demontažne platforme, koja se u svakom trenutku može lako demontirati i brzo osloboditi zauzetu površinu u slučaju potrebe.

c.) Slobodnostojeći reklamni pano.

d.) Slobodnostojeći displej.

e.) Slobodnostojeće telefonske govornice.

f.) Stolovi ispred ugostiteljskih radnji se u pravilu postavljaju u neposrednoj blizini objekta u kojoj se nalazi ugostiteljski poslovni prostor i sa minimalnom pješačkom komunikacijom. U ljetnoj bašti postavljenoj ispred ugostiteljskog objekta nije dozvoljeno postavljanje roštilja, ražnja, šank-pulta, fontane, muzičkog uređaja, niti je dozvoljeno izvođenje muzike uživo. Nije dozvoljeno postavljanje čvrsto ugrađene opreme ispred ugostiteljskih radnji, te betoniranje i drugi čvrsti radovi na javnoj površini. Ukoliko se uviđajem na terenu utvrdi da je teren neprilagođen postavljanju stolova ispred ugostiteljskih radnji, te da to utiče na funkcionalnost iste, odobrit će se postavljanje montažno-demontažnog podijuma – platforme, koji se u svakom trenutku može lako demontirati i brzo osloboditi zauzetu

površinu u slučaju potrebe.

g.) Prodajni sto ispred poslovnog prostora za izlaganje i prodaju robe je pokretna, lako prenosiva i prostorno neovisna jedinica na kojoj se vrši izlaganje i prodaja robe.

h.) Prodajni sto/tezga je pokretna, lako prenosiva i prostorno neovisna jedinica na kojoj se vrši izrada i prodaja umjetničkih predmeta, te prodaja drugih vrsta usluga (portreti, nakit, slike, umjetničke tvorevine i sl.).

i.) Rashladni uređaj je uređaj za izlaganje i prodaju pića, sladoleda i sl. Ispred poslovnog prostora mogu se postaviti najviše dva rashladna uređaja.

j.) Žardinjera za cvijeće je betonsko, drveno ili korito od drugog prikladnog materijala, ispunjeno zemljom u kojoj su zasađene dekorativne biljke. Oblik, veličina i upotrijebljeni materijal moraju odgovarati neposrednoj okolini i funkciji žardinjere.

k.) Vaga za osobno mjerenje je sprava za mjerenje tjelesne težine i visine.

l.) Sanduk za čišćenje obuće je naprava otvorenog tipa, maksimalne tlocrtnne površine od 0,5 m², uključujući prostor za obavljanje djelatnosti i prodaju robe (vezice).

m.) Cirkusni šator je ograđeni prostor za održavanje cirkuskih predstava u svrhu zabave djece i odraslih, sa pratećim sadržajem.

n.) Klupa za sjedenje.

o.) Čuvarska kućica je naprava zatvorenog tipa, jednodnostorna, demontažna i prenosiva cjelina izgrađena od više konstrukcijskih dijelova koji se povezuju bez primjene građevinskih vezova i koji se povezuju na podlogu bez ubetoniravanja ili sličnog trajnog povezivanja. Oblikovanje mora biti kvalitetno, u skladu sa ambijentom i ne smije estetski narušavati okolinu. Maksimalna tlocrtna površina je do 4,00 m². Navedeni sadržaj se ne odnosi na objekte koje u istoj namjeni koriste snage Policijskih organa.

p.) Reklamni balon.

r.) Reklamni automobili se postavlja u svrhu promocije događaja, usluga i proizvoda.

s.) Info stolovi su pokretni elementi za podjelu promotivnog materijala i skupljanje novčane pomoći u humanitarne svrhe.

t.) Jarbol je montažno-demontažni element koji omogućava postavljanje zastave, promotivnog ili reklamnog karaktera, postavljen u skladu sa ambijentom, prikladnog estetskog sadržaja.

u.) Zabavni park je prostorno definirana cjelina čija tlocrtna organizacija, odnosno zauzeće javne površine ovisi o broju i vrsti naprave za zabavu;

v.) Drugi specifični sadržaji (dječiji autići i vozići, uređaju za pečenje pečenjarskih proizvoda, prodaja lutrija, srećki, polovnih knjiga i slične literature, umjetničkih slika, iznajmljivanje bicikla, objekata jednostavnih usluga u nepokretnom ili priključnom vozilu, objekata jednostavnih usluga na kolicima, umjetnici za izvođenje kulturnog i zabavnog programa, plohe za bočanje, plohe za šah na otvorenom s tim da pogodno mjesto bude uredno i sličnih sadržaja);

(2) Održavanje kulturnih, zabavnih, sportskih, humanitarnih i drugih manifestacija. Manifestacijom se smatra svako događanje u kraćem vremenskom razdoblju povodom kulturnih, zabavnih, sportskih, humanitarnih i drugih dešavanja, koje može biti popraćeno ugostiteljskom i trgovačkom djelatnošću.

(3) Odlaganje građevinskog materijala podrazumijeva utovar, istovar i deponovanje građevinskog materijala i opreme, za izvođenje radova na osnovu pravosnažnog odobrenja za građenje, odnosno izvođenje drugih radova. Izvođač radova je dužan da deponovani građevinski materijal zaštititi od rasturanja odgovarajućom ogradom.

(4) Građevinska fasadna skela je konstrukcija za izvođenje radova na visini, propisno označene i osigurane u skladu sa tehničkim propisima i normativima.

(5) Javni parking prostor je površina predviđena za parkiranje vozila, propisno označena u skladu sa saobraćajnim propisima.

(6) Prokop javne površine podrazumijevaju zahvati na javnim površinama u svrhu polaganja, rekonstrukcije, izmjene instalacija, popravke kvarova na instalacijama i sl.

Član 3.

(1) Odobrenje za privremeno korištenje javne površine, izuzetno, se može izdati za postavljanje i drugih sadržaja i uređaja koji nisu navedeni u ovoj Odluci, na prijedlog Općinskog načelnika.

(2) Odobrenje za privremeno korištenje javne površine neće se izdavati za postavljanje urbanog mobilijara na javnoj površini kao što su: klupe za sjedenje, korpe za otpatke, nadstrešnice u okviru autobuskih stajališta.

Član 4.

(1) Zahtjev za odobrenje korištenja javne površine podnosi se Službi za saobraćaj, stambeno-komunalne poslove i građenje.

(2) Kada je neophodno izdavanje urbanističke saglasnost zahtjev za izdavanje iste podnosi se Službi za prostorno uređenje i zaštitu okoliša, a nakon dobijanja urbanističke saglasnosti, zahtjev za privremeno korištenje javne površine podnosi se Službi za saobraćaj, stambeno-komunalne poslove i građenje.

(2) Rješenje kojim se odobrava privremeno korištenje javne površine donosi Općinski načelnik putem Službe za saobraćaj, stambeno-komunalne poslove i građenje.

Član 5.

(1) Rješenjem iz člana 4. ove Odluke utvrđuje se lokacija, poslovna zona, površina, vrijeme korištenja, namjena korištenja, visina naknade, način plaćanja, uslovi i rokovi plaćanja, održavanje javne površine.

(2) Rješenja donesena u postupku primjene ove Odluke dostavljaju se nadležnom inspektoru i Službi za privredu i finansije Općine Ilijaš.

(3) Sa korisnicima javne površine zaključuje se i Ugovor o privremenom korištenju javne površine kojim se regulišu međusobna prava i obaveze.

Član 6.

(1) Javne površine u smislu ove Odluke je građevinsko zemljište namijenjeno za javno korištenje i to:

a.) trgovi, slobodni prostori između zgrada namijenjeni za javnu upotrebu, javni pasaži, pješačke komunikacije, interne saobraćajnice;

b.) parking prostori;

c.) parkovi i druge javne zelene površine;

d.) pješačke staze na sportsko-rekreativnim područjima (izletišta, šetališta, fiskulturni tereni i sl.);

e.) neizgrađeno građevinsko zemljište, koje je izuzeto;

f.) ostale površine namijenjene za javno korištenje i površine koje su planskom dokumentacijom predviđene kao površine za opću upotrebu i koje se u tu svrhu koriste;

(2) Prilikom odobravanja zauzimanja javne površine na pješačkoj komunikaciji potrebno je pribaviti saglasnost upravitelja cesta.

II – ZONE JAVNIH POVRŠINA

Član 7.

(1) Javne površine na području Općine Ilijaš podijeljene su u četiri zone i to: Ekstra, Prvu, Drugu i Treću zonu.

(2) Ekstra zona obuhvata:

a.) dio ulice 126. Ilijaške brigade od raskrsnice sa ulicom Bogumilska do raskrsnice sa ulicom Hašima Spahića/Pješačka zona "Centar Ilijaš"/;

(3) Prva zona obuhvata:

a.) dio užeg urbanog područja grada Ilijaš koju čine ulice: 126. Ilijaške brigade (bez Ekstra zone), Ivana Franje Jukića, Kakanjska, Omladinska, Bogumilska do broja 10, Hašima Spahića i Bosanski put na dijelu od pravoslavne crkve do Alića rampe;

(4) Druga zona obuhvata:

a.) ostalo urbano područje grada Ilijaš, te dio Ulice Bosanski put od Alića rampe do potoka Gnionica i od pravoslavne crkve do raskrsnice za skretanje za naselje Luka u Starom Ilijašu, te ulice Moševićka i Žrtava genocida u Srebrenici u Podlugovima i

(5) Treća zona obuhvata:

a.) ostale javne površine na području Općine.

III – USLOVI I KRITERIJI ZA PRIVREMENO KORIŠTENJE JAVNIH POVRŠINA

Član 8.

(1) Postupak dodjele lokacije za privremeno korištenje javne površine pokreće se podnošenjem zahtjeva od strane zainteresovanog lica Općinskom načelniku putem Službe za saobraćaj, stambeno-komunalne poslove i građenje Općine Ilijaš.

(2) Uz zahtjev se prilaže:

a.) Akt o registraciji izdat od strane nadležnog Suda;

b.) Odobrenje za obavljanje djelatnosti, izdato od nadležne općinske službe;

c.) Uvjerenje o poreskoj registraciji;

d.) Dokaz o otvorenom transakcijskom računu.

Član 9.

(1) Stručno lice za definisanje javne površine dužno je, po prijemu zahtjeva za privremeno korištenje javne površine izvršiti uviđaj na licu mjesta, te javnu površinu koja je predmet korištenja, obilježiti i napraviti foto-dokumentaciju, koja treba da čini sastavni dio Zapisnika o uviđaju na licu mjesta.

(2) Stručno lice je također dužno dati svoj nalaz i mišljenje i po mogućnosti izraditi skicu javne površine.

Član 10.

(1) Dodjelu lokacija za privremeno korištenje javnih površina za postavljanje kioska i slobodnostojećih ljetnih bašti odobrava Općinski načelnik putem Službe za saobraćaj, stambeno-komunalne poslove i građenje.

(2) Dodjela lokacija vrši se putem javnog oglasa.

(3) Javni oglas iz stava 1. ovog člana objavljuje se u jednom od dnevnih listova koji se distribuira na teritoriji Federacije Bosne i Hercegovine i web stranici Općine Ilijaš.

(4) Javni oglas iz stava 1. ovog člana treba da sadrži:

a.) Podatke o lokaciji/bliža adresa ili k.č;

b.) Površina lokacije;

c.) Vrsta objekta predviđenog za postavljanje;

d.) Početnu cijenu naknade po sadržaju ili m²;

e.) Način plaćanja naknade;

f.) Rok za podnošenje prijava;

g.) Naziv i sjedište organa kojem se podnosi prijava;

h.) Način podnošenja prijave i dokaze koje je učesnik dužan priložiti uz prijavu;

- i.) Kriterije za bodovanje;
- j.) Način obavještenja o rezultatima oglasa;
- k.) Postupak po prigovoru na rang listu o rezultatima javnog poziva;
- l.) Upozorenje da se nepotpune prijave neće razmatrati i
- m.) Upozorenje da će se lokacija dodijeliti na privremeno korištenje drugom učesniku na javnom oglasu prema redu prvenstva, ako prvoplasirani učesnik ne plati naknadu za dodijeljenu lokaciju u roku i na način utvrđen rješenjem.

Član 11.

- (1) Postupak dodjele lokacije provodi Komisija koju rješenjem imenuje Općinski načelnik.
- (2) Komisija iz stava 1. ovog člana:
 - a.) Priprema javni oglas za dodjelu lokacija;
 - b.) Razmatra pristigle prijave na javni poziv i vrši bodovanje;
 - c.) Utvrđuje rang listu i istu dostavlja Općinskom načelniku na saglasnost
 - d.) Nakon što Općinski načelnik da saglasnost objavljuje Rang listu na oglasnoj tabli i web stranici Općine.

Član 12.

- (1) Pravo na dodjelu lokacije iz člana 11. ove Odluke utvrđuje se na osnovu sljedećih kriterija:

- a.) uredno izmirivanje dosadašnjih obaveza po osnovu korištenja javne površine 5 bodova
 - eliminacioni kriterij 5 bodova
 - b.) visina naknade, za svaku KM iznad početnog iznosa naknade 5 bodova
 - c.) član šehidske porodice i porodice poginulog borca 20 bodova
 - d.) invalidnost podnosioca ponude – ratnog vojnog invalida;
 - Tjelesno oštećenje 100 % 15 bodova
 - Tjelesno oštećenje 20-90% za svaki stepen tjelesnog oštećenja 1 bod
 - e.) Invalidnost podnosioca ponude (neratni invalidi)
 - Tjelesno oštećenje 100 % 10 bodova
 - Tjelesno oštećenje 20-90% za svaki stepen tjelesnog oštećenja 0,5 bodova
 - f.) Ratna priznanja:
 - Zlatni ljiljan i Zlatna policijska značka 5 bodova
 - Ostala vojna priznanja utvrđena Zakonom o posebnim pravima dobitnika ratnih priznanja i odlikovanja i članova njihovih porodica 2 boda
 - g.) Podnosilac za svaku godinu učešća u Oružanim snagama RBiH: 2 boda
 - h.) Logoraši ako nisu obuhvaćeni u jednoj od prethodnih tačaka 5 bodova
 - i.) Civilne žrtve rata 5 bodova
 - j.) Članovi uže porodice podnosioca ponude
 - Za svakog člana 1 bod
 - Za svakog nezposlenog člana broj bodova iz ove tačke uvećava se za..... 1 bod
 - k.) Ponuđač sa prebivalištem sa područja Općine Ilijaš u kontinuitetu, najmanje 5 godina 5 bodova
- (2) Pod članom uže porodice, u smislu ove Odluke smatraju se: bračni drug, roditelji i djeca koja žive u zajedničkom domaćinstvu sa podnosiocem ponude.

Član 13.

(1) Najpovoljnija ponuda za dodjelu objekata iz člana 10. Odluke je ponuda sa najvećim brojem bodova.

(2) U slučaju da više ponuđača ima jednak broj bodova, prednost ima ponuda prema sljedećem redoslijedu:

- sa najvećim iznosom ponuđene naknade;
- član šehidske porodice i porodice poginulog borca;
- osobe sa tjelesnim oštećenjem organizma od 100%;
- osobe sa najdužim učešćem u Oružanim snagama RBiH;
- osobe sa najvećim brojem nezaposlenih članova porodičnog domaćinstva;

Član 14.

Učesnik javnog oglasa za postavljanje slobodnostojećih ljetnih bašti se boduje po osnovu ponuđene naknade za svaku KM iznad početnog iznosa.

Član 15.

(1) Učesnici javnog oglasa imaju pravo prigovora na Rang listu Drugostepenoj stručnoj komisiji Općinskog vijeća Ilijaš u roku od 15 dana od dana objave.

(2) Odluka Komisije po prigovoru iz stava (1) ovog člana je konačna.

Član 16.

Nakon isteka roka za podnošenje prigovora na Rang listu Općinski načelnik putem Službe za saobraćaj, stambeno-komunalne poslove i građenje donosi Rješenje o dodjeli javne površine na privremeno korištenje.

Član 17.

(1) Nakon pravosnažnosti rješenja o dodjeli lokacije na privremeno korištenje javne površine, lice kojem je dodijeljena lokacija dužno je u roku od sedam dana, Službi za prostorno uređenje i zaštitu okoliša Općine Ilijaš podnijeti zahtjev za donošenje urbanističke saglasnosti i odobrenja za građenje za postavljanje objekta.

IV - NAKNADA, NAČIN PLAĆANJA, VRIJEME TRAJANJA I MJERE ZA EFIKASNU NAPLATU NAKNADE ZA PRIVREMENO KORIŠTENJE JAVNIH POVRŠINA

Član 18.

Korisnici javnih površina obavezni su plaćati naknadu za korišćenje u skladu sa odredbama ove Odluke.

Član 19.

(1) Naknada za postavljanje kioska mjesečno po 1 m² iznosi:

a.) Prva zona	8,00 KM
b.) Druga zona	7,00 KM
c.) Treća zona	5,00 KM

- (2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.
- (3) Period privremenog korištenja javnih površina za postavljanje kioska je do dvije godine uz mogućnost produženja. Period se računa od dana pravosnažnosti rješenja o odobrenju za građenje.

Član 20.

- (1) Naknada za postavljanje slobodnostojeće otvorene bašte, mjesečno po 1 m² iznosi:

a.) Ekstra zona	6,00 KM
b.) Prva zona	5,00 KM
c.) Druga zona	4,00 KM
d.) Treća zona	3,00 KM

- (2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 21.

- (1) Naknada za postavljanje slobodnostojećih reklamnih panoa i slobodnostojećih displeja, mjesečno po 1 m² površine panoa ili displeja iznosi:

a.) Ekstra zona	15,00 KM
b.) Prva zona	12,00 KM
c.) Druga zona	8,00 KM
d.) Treća zona	5,00 KM

- (2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

- (3) Odobranje privremenog korištenja javnih površina za postavljanje slobodnostojećih reklamnih panoa i slobodnostojećih displeja, vrši se donošenjem urbanističke saglasnosti i odobrenja za građenje.

- (4) Period privremenog korištenja javnih površina za postavljanje sadržaja iz stava (1) ovog člana je jedna, a najviše dvije godine.

Član 22.

- (1) Naknada za plakatiranje na nosačima koji su montirani na stubove javne rasvjete kojima raspolaže Općina Ilijaš za jedan dan po jednom plakatnom mjestu iznosi:

a.) Prva zona	5,00 KM
b.) Druga zona	3,00 KM
c.) Treća zona	2,00 KM.

- (2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 23.

- (1) Naknada za postavljanje telefonske govornice, po jednoj telefonskoj govornici mjesečno iznosi:

a.) Ekstra zona	20,00 KM
b.) Prva zona	18,00 KM

- c.) Druga zona 15,00 KM
d.) Treća zona 10,00 KM
(2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.
(3) Odobravanje privremenog korištenja javnih površina za postavljanje slobodnostojećih telefonskih govornica vrši se donošenjem urbanističke saglasnosti i odobrenja za građenje.
(4) Period privremenog korištenja javnih površina za postavljanje sadržaja iz stava (1) ovog člana je do pet godina.

Član 24.

Naknada za postavljanje stolova ispred ugostiteljskog objekata radi pružanja ugostiteljskih usluga, izložbenog stola i stala za izlaganje robe za prodaju ispred trgovačke radnje i postavljanje tende na tlo ili konzolno uz prethodno pribavljeno odobrenje za građenje mjesečna po 1 m² iznosi:

- a.) Ekstra zona 6,00 KM
b.) Prva zona 4,00 KM
c.) Druga zona 3,00 KM
d.) Treća zona 2,00 KM
(2) Postavljanje tende na tlo ili konzolno u Ekstra zoni vršit će se na osnovu urbanističke saglasnosti nadležne službe.
(3) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.
(4) Period privremenog korištenja javnih površina za postavljanje stolova ispred ugostiteljskih radnji utvrđuje se u periodu od 15. marta do 15. novembra tekuće godine za ljetni period.

Član 25.

(1) Naknada za postavljanje prodajnog stola za prodaju, lutrija, novina, polovnih knjiga i druge literature, umjetničkih slika i slično mjesečno po jednom stolu iznosi:

- a.) Ekstra zona 25,00 KM
b.) Prva zona 18,00 KM
c.) Druga zona 15,00 KM
d.) Treća zona 10,00 KM
(2) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 26.

(1) Naknada za postavljanje prodajnog stola za prodaju ulaznica za održavanje javnih kulturno-zabavnih, sportskih i drugih manifestacija, izvlačenja nagrada u igrama na sreću, reklamiranja proizvoda namijenjenih tržištu, kao i za postavljanje prodajnog stola povodom pojedinih praznika za prodaju robe na malo kao: cvijeća, čestitki, razglednica, ukrasa, prskalica, svijeća, jelki, bižuterije, kožne galanterije, predmeta kućne radinosti i drugih prigodnih poklona za jedan dan po jednom stolu iznosi:

- a.) Ekstra zona 30,00 KM
- b.) Prva zona 20,00 KM
- c.) Druga zona 15,00 KM
- d.) Treća zona 10,00 KM

(2) Zahtjev za donošenje rješenja kojim se odobrava privremeno korištenje javnih površina za namjene iz stava (1) ovog člana podnosi se najkasnije pet dana prije početka korištenja.

(3) Naknada za privremeno korištenje javne površine iz stava (1) ovog člana plaća se unaprijed, a dokaz o uplati dostavlja u Službu za saobraćaj, stambeno-komunalne poslove i građenje prilikom preuzimanja rješenja.

Član 27.

(1) Naknada za postavljanje rashladnog uređaja za prodaju sladoleda, sokova, kafe i uređaja za pečenje pilića, mjesečno po jednom uređaju iznosi:

- a.) Ekstra zona..... 55,00 KM
- b.) Prva zona 45,00 KM
- c.) Druga zona 35,00 KM
- d.) Treća zona 25,00 KM

(2) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 28.

(1) Naknada za postavljanje uređaja za pečenje i prodaju pečenjarskih proizvoda (kukuruza, kestena, pomfrita, slatke vune, sjemenki i slično) mjesečno po jednom uređaju iznosi:

- a.) Ekstra zona..... 35,00 KM
- b.) Prva zona 25,00 KM
- c.) Druga zona 15,00 KM
- d.) Treća zona 10,00 KM

(2) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 29.

(1) Naknada za privremeno korištenje javne površine za postavljanje objekta za pružanje jednostavnih usluga u nepokretnom ili priključnom vozilu i na kolicima mjesečno po jednom objektu, iznosi:

- a.) Prva zona 50,00 KM
- b.) Druga zona 40,00 KM
- c.) Treća zona 30,00 KM

(2) Naknada za privremeno korištenje javne površine iz stava (1) ovog člana plaća se

jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 30.

(1) Naknada za postavljanje aparata zabavnog sadržaja /dječijih autića, bicikala, vozića i sličnih rekvizita za dječiju zabavu/ mjesečno po jednom aparatu iznosi:

a.) Ekstra zona	45,00 KM
b.) Prva zona.....	35,00 KM
c.) Druga zona	30,00 KM
d.) Treća zona	20,00 KM

(2) U Ekstra zoni može se dozvoliti postavljanje samo električnih statičnih zabavnih sadržaja (autići, bicikli, konjići, slonići i slično).

(3) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 31.

(1) Naknada za postavljanje žardinjere za cvijeće, suncobrana, klupe za sjedenje, korpe za otpatke, stubića, jarbola, ograde i sličnih sadržaja mjesečno po jednom komadu iznosi:

a.) Ekstra zona	15,00 KM
b.) Prva zona	10,00 KM
c.) Druga zona	8,00 KM
d.) Treća zona	6,00 KM

(2) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos unaprijed u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 32.

(1) Naknada za postavljanje cirkuskog šatora, montažno-demontažnih bina u svrhu održavanja kulturnih, zabavnih, sportskih i drugih manifestacija takmičarskog karaktera, luna-parka, ringišpila, karting takmičenja i slično iznosi 1,00 KM za jedan dan po 1,00 m² u svim zonama.

(2) Naknada za privremeno korištenje javne površine iz stava (1) ovog člana plaća se jednokratno ukoliko ne prelazi iznos od 100,00 KM, a ukoliko prelazi navedeni iznos u dvije jednake rate. Prva rata plaća se prije preuzimanja rješenja kojim se odobrava privremeno korištenje javne površine, a druga rata po isteku polovine odobrenog vremena korištenja.

Član 33.

Naknada za javni parking prostor na neizgrađenom građevinskom zemljištu izuzetom iz

posjeda ranijeg vlasnika, te parkiranje autobusa, kamiona, cisterni, kamp prikolica na ovom zemljištu od strane privrednih društava i fizičkih lica mjesečno po 1 m² iznosi:

- a.) Prva zona 2,00 KM
- b.) Druga zona 1,00 KM
- c.) Treća zona 0,50 KM

(2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 34.

(1) Naknada za odlaganje građevinskog materijala, utovar i istovar građevinskog materijala (ograđeni dijelovi gradilišnog prostora), postavljanje fasadnih građevinskih skela, kontejnera i drugih objekata za potrebe gradilišta, mjesečno po 1 m² iznosi:

- a.) Prva zona 2,00 KM
- b.) Druga zona 1,00 KM
- c.) Treća zona 0,50 KM

(2) Korisnici javnih površina za namjene iz stava (1) ovog člana dužni su ovu površinu ograditi i označiti propisanim znacima.

(2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 35.

Naknada za odlaganje građevinskog materijala namjenjenog za prodaju, ogrijevnog drveta, uglja, ćumura, izlaganje polovnih automobila namjenjenih za prodaju, namještaja, stolarije i slično mjesečno po 1 m² iznosi:

- a.) Prva zona 2,50 KM
- b.) Druga zona 2,00 KM
- c.) Treća zona 1,00 KM

(2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 36.

(1) Naknada za postavljanje jednog sanduka za čišćenje obuće i vage za mjerenje tjelesne težine lica u Ekstra zoni iznosi 15,00 KM, a u ostalim zonama 10,00 KM mjesečno.

(2) Naknada za privremeno korištenje javne površine iz stava (1) ovog člana plaća se mjesečno unaprijed, a za prvi mjesec korištenja prilikom preuzimanje rješenja.

Član 37.

Naknada za postavljanje drugih sadržaja i uređaja obračunava se i plaća na način utvrđen ovom Odlukom, prema sličnosti sa sadržajima utvrđenim ovom Odlukom.

Član 38.

Služba za saobraćaj, stambeno-komunalne poslove i građenje Općine Ilijaš vodi evidenciju korisnika javnih površina i brine o plaćanju naknade za korištenje.

Član 39.

(1) Privremeno korištenje javnih površina bez obaveze plaćanja naknade odobrit će se korisnicima za slijedeće namjene:

- a.) vlasnicima poslovnih prostora u Ekstra zoni za obavljanje odobrene djelatnosti u prostoru ispod dograđenih nastrešica čiju dogradnju su sami finansirali, uz obavezu ostavljanja prostora za pješake;
- b.) za potrebe ustanova iz oblasti predškolskog obrazovanja i vaspitanja, prosvjete, nauke, kulture, zaštite kulturne i prirodne baštine, zdravstva, veterine, socijalne zaštite, humanitarnih i dobrotvornih organizacija;
- c.) za potrebe političkih organizacija u svrhu prikupljanja potpisa, održavanja političkih tribina i predizbornih skupova;
- d.) za potrebe udruženja građana proisteklih iz odbrambeno-oslobodilačkog rata i drugih neprofitnih udruženja u svrhu prikupljanja podataka o svojim članovima, prikupljanja potpisa radi izražavanja svojih stavova i drugih podataka koje će koristiti udruženje i prikupljanje sredstava za redovne djelatnosti;
- e.) za postavljanje pokretnog stola u trajanju od jednog dana u cilju reklamiranja proizvoda;
- f.) za održavanje kulturnih, vjerskih, zabavnih i sportskih manifestacija koje se priređuju besplatno i u humanitarne svrhe;
- g.) sanacija, rekonstrukcija i obnova objekata koja se finansira iz donatorskih sredstava i sredstava etažnih vlasnika i
- h.) drugih sadržaja od značaja za Općinu Ilijaš koje kao takve ocjeni Općinski načelnik .

Član 40.

Protiv rješenja o privremenom korištenju javnih površina u drugom stepenu rješava Drugostepena stručna komisija Općinskog vijeća Ilijaš.

Član 41.

(1) Ukoliko korisnik, iz bilo kojih razloga, prestane koristiti javnu površinu dužan je odmah o tome obavijestiti organ koji mu je odobrio njeno korištenje i podnijeti zahtjev Službi za saobraćaj, stambeno-komunalne poslove i građenje za oslobađanje od daljnje obaveze plaćanja naknade.

(2) Rješenje o prestanku korištenja javne površine i oslobađanju od obaveze plaćanja naknade za korištenje donosi organ koji je i odobrio njeno korištenje, nakon što se na licu mjesta utvrdi da je korisnik istu napustao.

(3) Obaveza plaćanja naknade za korištenje javne površine prestaje od dana podnošenja zahtjeva za donošenje rješenja iz stava (2) ovog člana.

Član 42.

Naknada za korištenje javne površine uplaćuje se na žiro račun Općine Ilijaš sa naznakom: naknada za privremeno korištenje javne površine.

V - PRESTANAK KORIŠTENJA JAVNE POVRŠINE

Član 43.

Korištenje javne površine može prestati:

- donošenjem Rješenja o prestanku prava na korištenje;
- istekom roka utvrđenog Ugovorom i Rješenjem;
- otkazom ili raskidom ugovora;
- na osnovu Rješenja komunalnog inspektora o uklanjanju sadržaja sa javne površine.

Član 44.

(1) Općina Ilijaš može otkazati Ugovor o korištenju javne površine i prije isteka roka ukoliko Korisnik:

- koristi javnu površinu suprotno odredbama Ugovora;
- u momentu inspekcijskog nadzora koristi javnu površinu izvan utvrđenih gabarita, odnosno uopće ne posjeduje Rješenje o korištenju javne površine;
- izgubi pravo obavljanja poslovne djelatnosti koja je predmetom ugovora, na osnovu pravosnažnog rješenja ovlaštenog organa;
- ne izmiri naknadu za korištenje javne površine

(2) Otkaz Ugovora iz stava (1) ovog člana raskida se pisanim putem uz otkazni rok od 15 (petnaest) dana.

Član 45.

Općina Ilijaš može otkazati Ugovor o korištenju javne površine radi promjene namjene korištenja javne površine.

Član 46.

(1) Korisnik javne površine može jednostrano raskinuti Ugovor samo pisanim putem uz otkazni rok od 15 (petnaest) dana, računajući od dana obavijesti o raskidu Ugovora.

(2) U slučaju jednostranog raskida ugovora Korisnik je obavezan ukloniti sadržaje s javne površine i dovesti lokaciju u prvobitno stanje.

VI - ZAŠTITA JAVNIH POVRŠINA

Član 47.

(1) Korisnik javnih površina može istu koristiti samo u svrhe i na način određen ovom Odlukom, u skladu sa Ugovorom o zakupu i odobrenjem za korištenje.

(2) Ugovor o zakupu, odobrenje za korištenje javne površine i potvrdu o uplaćenju zakupnine korisnik je obavezan imati na licu mjesta, sve vrijeme korištenja javne površine i iste pokazati na zahtjev nadzornog organa određenog ovom Odlukom.

(3) Zakupljenu javnu površinu, kao i objekte na istoj, korisnik je obavezan držati u urednom stanju i čistim. Nakon prestanka zakupljenog, Zakupodavac je obavezan ukloniti sve tragove korištenja javne površine, odnosno treba je dovesti u stanje prije početka trajanja zakupa i javnu površinu dovesti u prvobitno stanje (asfaltiranje, čišćenje, sijanje trave, sadenje ukrasnog rastinja i cvijeća).

Član 48.

(1) Odobrenjem za zauzimanje javnih površina u cilju vršenja radova na čišćenju, opravci vanjskih dijelova zgrade i njihovo uređenje (oluci, fasade i sl.) utvrdit će se obaveza izvođača radova da u svrhu upozorenja učesnika u saobraćaju mora na mjestu izvođenja radova postaviti propisne oznake po kojima će biti vidljivo da je prolaz opasan.

(2) U slučajevima, kada se na objektu vrše zahvati, koji mogu trajati duži period, izvođač

radova je dužan iznad pločnika izvesti platformu, koja će obezbijediti nesmetanu komunikaciju pješaka.

(3) Ako se prilikom izvođenja radova oštete javne površine izvođač radova je dužan istu sanirati u roku od 48 sati.

(4) U slučaju da investitor u određenom roku ne izvrši opravku izdat će se nalog ovlaštenom preduzeću za saniranje oštećenih površina o trošku investitora.

Član 49.

(1) Odobrenje za zauzimanje dijela javne površine za deponovanje i pripremanje građevinskog materijala utvrdit će se obaveza izvođača da zauzetu površinu ogradi i označi propisnim znakovima, i time omogućiti bezbjedan prolaz pločnikom i ulicom, te da ne ometa odvijanje saobraćaja kao i da ne vrši oštećenje zgrade, ulice i pločnika.

(2) Građevinski materijal se mora složiti i uredno držati, te isto tako treba se obezbijediti i normalno oticanje oborinskih voda.

(3) U slučaju da investitor u određenom roku ne izvrši opravku izdat će se nalog ovlaštenom preduzeću za saniranje oštećenih površina o trošku investitora.

VII – NADZOR

Član 50.

Poslovi inspekcijskog nadzora nad provođenjem ove Odluke vrše općinski inspektori i to kako slijedi:

Poslove u oblasti urbanizma opisane u članu 25. stav (1) Zakona o privremenom korištenju javnih površina općinski urbanističko-građevinski inspektor, a poslove u oblasti komunalnih djelatnosti opisanih u članu 25. stav (2) Zakona komunalni inspektor.

Član 51.

U provođenju nadzora građevinsko-urbanistički i komunalni inspektor ovlašten je:

- Narediti fizičkim i pravnim osobama radnje, ako pregledom utvrdi da se one ne obavljaju ili se obavljaju suprotno odredbama ove Odluke i Zakona, odnosno poduzeti upravne mjere i radnje kojim se naređuje otklanjanje utvrđenih nedostataka i nepravilnosti i o tome donosi odgovarajuće rješenje.
- Vršiti kontrolu donesenih Rješenja i vodi evidenciju o istim;
- Pregledati da li su ispunjeni uslovi izdati u skladu sa izdatim Rješenjima;
- Naložiti uklanjanje privremenog objekta/sadržaja postavljenog bez odobrenja nadležne službe;
- Predložiti pokretanje prekršajnog postupka;
- Ukoliko prokopane površine nisu dovedene u prvobitno stanje utvrđeno rješenjem nadležne službe, predlaže aktiviranje bjanko narudžbenice za sanaciju iste;
- Poduzimati druge mjere i radnje za koje je ovlašten, u skladu sa Zakonom o privremenom korištenju javnih površina na području Kantona Sarajevo, Zakonom o komunalnim djelatnostima i ovom Odlukom

VIII - KAZNE NE ODREDBE

Član 52.

(1) Novčanom kaznom u iznosu od 5.000,00 KM do 10.000,00 KM kaznit će se za prekršaj pravno lice ili imalac radnje ako:

- a.) privremeno koristi javnu površinu suprotno odredbi člana 5. Zakona;
- b.) kao izvođač radova, privremeno zauzetu javnu površinu ne ogradi i ne označi

propisanim znacima, ometa odvijanje saobraćaja, ošteti zgradu, ulice i trotoare, kao i ako građevinski materijal ne složi, uredno ne drži i ne obezbijedi normalno oticanje oborinskih voda.

c.) ako korisnici javnih površina istu ne održavaju u urednom stanju, a po isteku roka iz odobrenja, javnu površinu ne dovedu u prvobitno stanje i ako u slučaju potrebe ili u slučaju privođenja zemljišta krajnjoj namjeni u skladu sa važećim planskim dokumentom, ne uklone sadržaje postavljene na javnoj površini i prije isteka utvrđenog roka.

Član 53.

(1) Novčanom kaznom u iznosu od 500,00 KM do 1.000,00 KM kaznit će se za prekršaj fizičko lice ako:

a.) privremeno koristi javnu površinu suprotno odredbi člana 5. Zakona;

b.) kao izvođač radova, privremeno zauzetu javnu površinu ne ogradi i ne označi propisanim znacima, ometa odvijanje saobraćaja, ošteti zgradu, ulice i trotoare, kao i ako građevinski materijal ne složi, uredno ne drži i ne obezbijedi normalno oticanje oborinskih voda.

c.) ako korisnici javnih površina istu ne održavaju u urednom stanju, a po isteku roka iz odobrenja, javnu površinu ne dovedu u prvobitno stanje i ako u slučaju potrebe ili u slučaju privođenja zemljišta krajnjoj namjeni u skladu sa važećim planskim dokumentom, ne uklone sadržaje postavljene na javnoj površini i prije isteka utvrđenog roka.

Član 54.

Novčanom kaznom od 500,00 KM (mandatna kazna) kaznit će se pravno lice ili imalac radnje a odgovorno lice i pojedinac od 100,00 KM, ako postupi suprotno odredbama člana 21. Zakona.

Član 55.

Sredstva od naplaćenih kazni, propisanih ovom Odlukom, koristit će se za uređivanje i održavanje javnih i zelenih površina.

IX – PRIJELAZNE I ZAVRŠNE ODREDBE

Član 56.

(1) U vrijeme održavanja Manifestacije "Ilijaški dani" slobodne javne površine na privremeno korištenje dodjeljuje organizator Manifestacije neposrednom pogodbom, ali ne po nižoj naknadi od visine naknade utvrđene ovom Odlukom.

(2) Nakon završetka Manifestacije iz stava (1) ovog člana Organizator je dužan javne površine koje je ustupao na privremeno korištenje dovesti u prvobitno stanje /ukloniti postavljene sadržaje i otpad, oprati ih i drugo/.

Član 57.

Na pitanja koja nisu uređena ovom Odlukom primjenjivat će se odredbe Zakona o privremenom korištenju javnih površina na području Kantona Sarajev ("Službene novine Kantona Sarajevo", broj: 20/04, 26/12, 32/12).

Član 58.

Danom stupanja na snagu ove Odluke prestaje da važi Odluka o privremenom korišćenju

javnih površina na području Općine Ilijaš ("Službene novine Kantona Sarajevo", broj: 23/14 i 24/16).

Rješenja donesena na osnovu Odluke o privremenom korišćenju javnih površina na području Općine Ilijaš ("Službene novine Kantona Sarajevo", broj: 23/14 i 24/16), izdata do stupanja na snagu ove Odluke, ostaju na snazi do isteka roka utvrđenog u Rješenju.

Član 59.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/19
Ilijaš, 27.03.2019.godine

**PREDSJEDAVAJUĆA
OPĆINSKOG VIJEĆA ILIJAŠ**

Alma Omerović, BA nov.

O b r a z l o ž e n j e:

I - Pravni osnov

Pravni osnov za donošenje Odluke o privremenom korištenju javnih površina na području Općine Ilijaš sadržan je u Zakonu o privremenom korištenju javnih površina na području Kantona Sarajevo ("Službene novine Kantona Sarajevo", broj: 20/04, 26/12, 32/12 i 24/15) kojim se utvrđuju javne površine koje se mogu privremeno koristiti, njihova namjena, uslovi i način privremenog korištenja javnih površina, poslovi prvostepenog upravnog rješavanja iz oblasti urbanizma i komunalnih djelatnosti, naknada za korištenje javne površine, nadzor nad provođenjem Zakona i druga pitanja od značaja za privremeno korištenje javnih površina na području Kantona Sarajevo.

Pravni osnov za donošenje ove Odluke sadržan je u članu 55. i 104. Statuta općine Ilijaš – prečišćeni tekst ("Službene novine Kantona Sarajevo", broj: 20/09) kojim su definisane nadležnosti Općinskog vijeća i propisi koje Općinsko vijeće donosi te članu 99. Poslovnika Općinskog vijeća Ilijaš ("Službene novine Kantona Sarajevo", broj: 2/10) kojim su definisani propisi koje donosi Općinsko vijeće.

II - Razlozi za donošenje ove Odluke

Donošenjem novog Pravilnika o unutrašnjoj organizaciji Jedininstvenog općinskog organa uprave i ostalih službi Općine Ilijaš, broj: 01/2-34-667/17 od 12.04.2017. godine, komunalna oblast u koju spada i korištenje javnih površina sada je u nadležnosti Službe za saobraćaj, stambeno-komunalne poslove i građenje, a ne u nadležnosti Službe za prostorno uređenje i stambeno-komunalne poslove, kako je to bilo navedeno u dosadašnjoj Odluci, što je često dovodilo korisnike u zabunu.

Imajući u vidu činjenicu da je u svim zonama na području Općine Ilijaš došlo do otvaranja niza poslovnih i ugostiteljskih objekata što dovodi do povećanja interesa za korištenjem javnih površina za različite sadržaje, pokazalo se neophodnim usvojiti novu Odluku kojom se detaljno regulisati uslovi i način privremenog korištenja javnih površina, poslovi prvostepenog upravnog rješavanja iz oblasti urbanizma i komunalnih djelatnosti, naknada za korištenje javne površina i druga pitanja od značaja za ovu oblast.

Ovom Odlukom jasno su definisane javne površine kao izgrađeno i neizgrađeno gradsko građevinsko zemljište u javnoj upotrebi i sadržaji koji se mogu na iste postaviti, a sve u cilju sprječavanja nelegalnog korištenja javnih površina na području Općine Ilijaš.

Visina naknade za plaćanje po osnovu privremenog korištenja javne površine u odnosi na prethodnu Odluku u svim zonama ostala je ista.

Predlagač Odluke o privremenom korištenju javnih površina na području Općine Ilijaš je Općinski načelnik shodno odredbi člana 113. Poslovnika Općinskog vijeća Ilijaš ("Službene novine Kantona Sarajevo", broj: 02/10 i 18/15).

Obrađivač Odluke je Služba za saobraćaj, stambeno-komunalne poslove i građenje Općine Ilijaš.

Donošenje ove Odluke planirano je Programom rada Općinskog vijeća Ilijaš za 2019. godinu.

Predlažemo Općinskom vijeću Ilijaš da Odluku o privremenom korištenju javnih površina na području Općine Ilijaš donese u predloženom tekstu.